



Grad Sarajevo
City of Sarajevo

Bosna i Hercegovina
Federacija Bosne i Hercegovine
Kanton Sarajevo
Grad Sarajevo
GRADSKO VIJEĆE

Broj:
Sarajevo, __.__.2023. godine

Na osnovu člana 42. Statuta Grada Sarajeva („Službene novine Kantona Sarajevo”, broj 7/23),
Gradsko vijeće Grada Sarajeva, na __. sjednici održanoj dana __.__.2023. godine, primilo je k
znanju

Informaciju o potpisivanju „Deklaracije gradonačelnika iz New Yorka“

PREDSJEDAVAJUĆI GRADSKOG VIJEĆA

Jasmin Ademović

Adresa: Hamdije Kreševljakovića 3
71000 Sarajevo, BiH
Tel: +387 33 216 659
Fax: +387 33 205 874
Email: gsgv@sarajevo.ba
Web: gradskovijece.sarajevo.ba





Grad Sarajevo
City of Sarajevo

Bosna i Hercegovina
Federacija Bosne i Hercegovine
Kanton Sarajevo
Grad Sarajevo
GRADONAČELNICA

INFORMACIJA
O POTPISIVANJU „DEKLARACIJE GRADONAČELNIKA IZ NEW YORKA“

Predlagač: Gradonačelnica
Obrađivač: Stručna služba za
protokolarne poslove, odnose s
javnošću i međunarodnu saradnju

Sarajevo, septembar 2023. godine

Adresa: Hamdije Kreševljakovića 3
71000 Sarajevo, BiH
Tel: +387 33 407 443
Fax: +387 33 208 341
Email: grad@sarajevo.ba
Web: www.sarajevo.ba



Informacija o potpisivanju „Deklaracije gradonačelnika iz New Yorka“

Na poziv izvršnog direktora „Mreže jakih gradova“ (Strong Cities Network), gradonačelnica Grada Sarajeva Benjamina Karić učestvovala je na 4. Globalnom samitu „Mreže jakih gradova“ koji je održan na marginama 78. zasjedanja Generalne skupštine Ujedinjenih naroda (UNGA) u New Yorku od 19. do 21.09.2023. godine.

„Mreža jakih gradova“ je nezavisna globalna mreža koja okuplja više od 175 gradova i lokalnih vlasti koja predano radi na borbi protiv svih oblika ekstremizma, mržnje i polarizacije u društvu, istovremeno promovirajući preventivne mjere utemeljene na ljudskim pravima.

4. Globalni samit je zamišljen kao višedimenzionalni program čiji je cilj okupiti gradonačelnike i predstaviti doprinose lokalnih vlasti u sprječavanju i pružanju odgovora na mržnju i ekstremističko nasilje i demokratsko nazadovanje s kojim se suočava sve veći broj zajednica.

U sklopu Samita potpisana je „Deklaracija gradonačelnika iz New Yorka“ od strane gradonačelnice Grada Sarajeva i drugih prisutnih gradonačelnika.

Deklaracija je neobavezujuća i u njenom fokusu je razmjena praksi i predlaganje mjera koje lokalne vlasti mogu primijeniti kako bi iskoristile svoj puni potencijal u pružanju odgovora, prevenciji i ublažavanju posljedica govora mržnje i ekstremizma. U Deklaraciji se gradonačelnici pozivaju da redovno i dosljedno istupaju protiv svih oblika diskriminacije, dezinformacija, netolerancije, mržnje, nasilja i ekstremizma, te pruže podršku jačanju lokalnih demokratskih institucija, uz aktivno učešće svih stanovnika kako bi se potakla društvena kohezija i otpornost lokalnih zajednica.

Mreža jakih gradova
Četvrti globalni samit
19.-21.09.2023. godine
New York

**Deklaracija gradonačelnika iz New Yorka
21. septembar 2023. godine**

Mi, gradonačelnici i drugi gradski čelnici okupili smo se u New Yorku na Četvrtom Globalnom samitu Mreže jakih gradova:

Osuđujući sve veću pojavu mržnje, ekstremizma i podjela u svim njihovim oblicima i manifestacijama i sve veći osjećaj nepovjerenja u institucije i rodno zasnovanog i međuetničkog nasilja i sve druge oblike nasilja koji utiču na naše zajednice; izražavajući zabrinutost zbog pogrešnih informacija, dezinformacija i teorija zavjere koje doprinose ovim zabrinjavajućim trendovima;

Prepoznajući da su gradonačelnici i drugi lokalni lideri na prvim linijama ovih izazova i da imaju jedinstvenu, ali prečesto zanemarenu ulogu u njihovom rješavanju, djelujući u bliskoj saradnji sa zajednicama kojima služimo i civilnim društvom na jačanju društvene kohezije, izgradnji otpornosti i stvaranju inkluzivnih gradova

Izražavajući solidarnost sa svim gradovima i lokalnim vlastima koje su posvećene inkluzivnim i raznolikim zajednicama i osuđujući pokušaje da se iskoriste podjele, promoviraju dezinformacije i teorije zavjere, ili na drugi način koristi strah i mržnja za destabilizaciju zajednica, njihove sigurnosti i dobrobiti.

Uzimajući u obzir da su zbog svoje blizine i razumijevanja lokalnih zajednica, gradonačelnici i drugi lokalni lideri u dobroj poziciji da identificiraju prioritete svojih stanovnika i razviju inovativne pristupe za prepoznavanje i rješavanje osjećaja isključenosti, nepravde i marginalizacije prije nego što se manifestiraju kao nasilje i da ublaže društvene i ekonomske posljedice u slučaju da do njega dođe.

Svjesni važnosti misije Mreže jakih gradova da obezbijedi globalnu platformu za gradonačelnike i gradove – od glavnih gradova do ruralnih mjesta, općina, okruga i država – putem koje možemo dijeliti i razmjenjivati praktične, učinkovite pristupe za rješavanje pojave mržnje, ekstremizma i polarizacije koja ugrožava društvenu koheziju širom svijeta.

Pozdravljajući napore Mreže jakih gradova da podigne glas gradonačelnika i drugih lokalnih lidera na nacionalnom, regionalnom i međunarodnom nivou kako bi se osiguralo da se lokalne perspektive i stvarnost na terenu odražavaju u globalnim pristupima i okvirima za rješavanje ovih izazova.

Pružajući podršku vodećim principima misije Jakih gradova, uključujući, između ostalog, podršku, poštovanje i zaštitu prava svih ljudi, bez obzira na rasu, vjeru, nacionalnost, spol, seksualnu orijentaciju ili bilo koju drugu društvenu, kulturnu ili etničku pripadnost; da proaktivno rješavaju u svom gradu svaku pojavu diskriminacije ili mržnje prema bilo kojem

pojedincu ili grupi; i da proaktivno podrže razmjenu znanja između gradonačelnika i vlada koje vodi ka izgradnji jakih, kohezivnih i otpornih gradova.

Pozdravljajući inkluzivni pristup Mreže jakih gradova koji olakšava povezivanje njenih različitih članova, s njihovim različitim prioritetima, uzimajući u obzir potrebu za pružanjem podrške koja je prilagođena njihovom lokalnom kontekstu.

Priznajući značaj djelovanja Mreže jakih gradova za gradove, od podrške razvoju okvira sa više aktera koji povećavaju tradicionalne kapacitete gradova za pružanje usluga, do rada sa zainteresiranim stranama lokalne i državne vlade na jačanju nacionalno-lokalne saradnje, do povećavanja potencijala i snage gradova u prevenciji i odgovoru na izazove.

Pozdravljajući razvoj praktičnih alata i resursa Mreže jakih gradova za lokalne vlasti, uključujući saradnju sa Globalnim forumom za borbu protiv terorizma i prilagođene vodiče za gradonačelnike i gradove o prevenciji i odgovoru na izazove koji će služiti kao živi resursi koji će inspirirati i podržati rad i napore lokalnih lidera i njihovih administracija na unapređenju aktivnosti predvođenih od strane gradova.

Pozdravljajući stalne napore Mreže jakih gradova da izgradi i ojača saradnju sa drugim gradskim mrežama i multilateralnim partnerima, tako što će definirati i stvoriti prilike za učenje i razmjenu iskustava za svoje članove.

Prepoznajući da otključavanje potencijala za aktivnosti koje predvode gradovi kao odgovor na mržnju, ekstremizam i polarizaciju može dati trenutačan i održivi doprinos miru i sigurnosti u lokalnim zajednicama i doprinijeti globalnim naporima za jačanje društvene kohezije, promoviranje stabilnosti i sprječavanje sukoba.

Izražavamo našu predanost i pozivamo sve gradonačelnike i druge lokalne lidere širom svijeta da nam se pridruže u:

1. Redovnom i dosljednom istupanju protiv svih oblika diskriminacije, dezinformacija, netolerancije, mržnje, nasilja i ekstremizma, te slanju jasne i dosljedne poruke javnosti da smo inkluzivni i otvoreni gradovi, i da prepoznamo da javna sigurnost i dobrobit počinju inkluzijom na lokalnom nivou, te da su inkluzija i civiliziranost temelj za efikasnu prevenciju i odgovor.
2. Jačanju lokalnih demokratskih institucija, omogućavanjem aktivnog učešća svih stanovnika, uključujući žene, mlade, izolirane ili marginalizirane zajednice i doseljenike, kako bi se potakla društvena kohezija, inkluzivno upravljanje i otpornost.
3. Ulaganju i izgradnji autentičnih, pouzdanih odnosa sa i između civilnog društva i zajednica kojima služimo kao dio dugoročne kohezije i otpornosti zajednice tako da ove uspostavljene veze mogu služiti kao dio sveobuhvatnog gradskog odgovora ako i kada se pojavi mržnja ili ekstremizam ili poraste polarizacija, ili kao podrška trenutnim naporima da se pruži odgovor na diskriminatorno historijsko ili institucijsko nasljeđe ili nepravde.
4. Promoviranju transparentnosti i vođenju otvorenog dijaloga između gradskih vlasti, civilnog društva i zajednica, kako bi se razumjele životne realnosti i težnje ljudi, uključujući stvaranje sigurnih prostora za teške razgovore (uključujući o rasizmu, nepravdi i mržnji) između različitih segmenata lokalnog stanovništva.

5. Ulaganju i podršci politikama zasnovanim na podacima i dokazima i njihovim analizama, što omogućava našim gradovima da bolje razumiju prijetnje društvenoj koheziji u našim zajednicama i izgrađuju kapacitete za saradnju u multisektorskim okvirima koji su efikasni u davanju odgovora na lokalne izazove i prijetnje.
6. Promoviranju čvrstih odnosa i saradnje između lokalnih i nacionalnih vlasti kako bi se osiguralo da se glasovi gradova i njihovih zajednica, prisutni u nacionalnim okvirima, pretvore u lokalnu akciju i da odražavaju znanje i iskustvo koje su stekli njihovi partneri.

Izražavamo našu daljnju posvećenost da na godišnjoj osnovi obavještavamo Mrežu jakih gradova o aktivnostima koje smo poduzeli za implementaciju ove Deklaracije.